

3.

Das erste Capitel.

so wir sprechen / Das die vier Element sich ungewöhnlicher weise erzeugen / vnd bey den Menschen vnerhörte sachen verlauffen / so wol auch allen andern Creaturen / entpfündlichen vñ vnentpfündlichen seltsame Wunder sich zutragen werden / als bey viel Menschen gedechtnuß nicht dergleichen erfahren noch geschehen.

Das Ainder Capitel.

Die Bedeutung des Cometen / aus seiner Farben eigenschafft genommen.

Auff welchen weg es nun mag sein zugangen / das eine solche gewaltige Last dieses Cometen in der Elementischen region / vber die Wolcken hinauff vnd inwendig des Monden Sphär erhaben worden / vnd allda gleich als ein angehefft *sydus* in seinem Himmel sich beweget / Ob nun solches nach den *Physicis* auß eigenen krefftten der Natur / oder vormittels derselben auß anordnung Göttlicher allmechtigeit (welches wir mit dem *Damasceno* lieber glauben wollen / dieweils auch nicht der *Physica* zuwider) zugangen sey / das lassen wir dieselben / so hierinn ein rechtmessig Brithel gebrauchen / vollend examiniren. Nach dem aber offensbar vnd am tage / das gleich wie ein vnterscheid der grösse vnd gestalt / also auch der Farben vnd anblick / vielfaltig in den Cometen zukommet : Dannher derhalben folgen wil / das auch die erklerung irer Wirkung vnterschiedlich von andern zugewarten sey. Vnd wie wir erst angezeigt / Das ein Comet sey ein Zeichen von Gott in die ober Luft vns vorgestellt / So ist wol zubetrachten / wie man möge ein solch Zeichen nach seinem orth / gestalt vnd andern qualiteten oder vmbstenden / recht erkennen vnd außlegen. Das Inun aber solch erkend-

D iij

nuß